



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendivm Qvæstionvm Regvlarivm R. admodum P.
Emanvelis Roderici Lusitani, S. T. Lectoris Prou. S. Iacobi
Reg. Obseru. Ordin. Mino. Diffinitoris**

Rodrigues, Manuel

Lvgdvni, 1621

Votum.

urn:nbn:de:hbz:466:1-41743

Monasteria sibi subdita; alij autem
Prælati Regulares, licet illam ex-
communicationem non incurant,
peccant tamen grauiter; cum in re
graui præceptum quoddam maxi-
mè necessarium frangant. Sed vtrū-
que intelligitur de negligentibus,
& rebellibus in huiusmodi visita-
tionibus. art. 10.

V O T V M.

Vide Castitas, Dispensatio quoad vota, Matrimonium, Monialis, Professio, Religio.

Superiores Ordinis Sancti Be-
nedicti ex concessione Martini
V. & Eugen. I V. authoritatem ha-
bent dispensandi cum subditis, vbi
rationabilis causa id exigit, super
quarto voto quod emittunt, de
clausura obseruanda, tom. 3. qua. 78.
art. 1.

Donati in Ordine sancti Benedi-
cti solennia vota emittunt, non au-
tem in aliis Ordinibus. art. 2.

Communis est opinio Doctorum,
maiorem nasci obligationem ex vo-
to, quam ex iuramento. tom. 2. quæst.
121. art. 3.

Docte

Doctè probat *Sanctus Thomas*,
2. 2. quæst. 186. art. 6. ad perfectio-
nem acquirendam necessarium esse
votum, figuratum olim in votis Na-
zaræorum. Et multi Doctores illu-
stres cum S. Hieronymo declarant
primos Christianos solitos vouere
quædam, ex illo Scripturæ, *Cur
tentauit Satanæ cor tuum? non es men-
titus hominibus, sed Deo.* tom. 1. quæst.
I. art. I.

Ad solennitatē voti multa requi-
runtur. Primò, ut præcesserit proba-
tio per annum in habitu Regulari.
Secūdò, professio expressa, vel taci-
ta. Tertiò, receptio proprij Supe-
rioris valentis incorporare. Quartò,
ut fiat in certa & determinata Reli-
gione. Quintò, quod illa Religio sit
approbata à Sede Apostolica. art. 2.

Solennitas votorum non est es-
sentialis Religioni; cum olim apud
primos Religiosos, quos Sancta
simplicitas & verecundia satis in
Religione continebat, non fuerit in
usu; sed postea crescente hominum
malitia, ad vitandam fraudem, fuit
introducta in *Synodo Rom. sub In-*
noc. II. ann. 1139. ad diremptio-

C c 3 nem



nem matrimonij. to. 3. q. 1. art. 2.

Potest summus Pontifex effe-
ctum dirimendi matrimonij etiam
voto simplici tribuere , vt fecit
Greg. XIII. in Nouitiis Societatis e-
lapso biennio vota emitentibus ;
quæ vota licet sint simplicia , effi-
ciunt tamen veram , & absolutam
perpetuam traditionem , ex parte
vouentis, sed tantum conditionata
ex parte acceptantis ; vnde sunt ve-
rè Religiosi. Quod autem post dicta
vota retineant dominium & pro-
prietatem suorum bonorum , solo
eorum usu, & administratione abdi-
catis , est quidem præter essentiam
Religionis, non tamen contra, vnde
sine dubio potuit summus Ponti-
fex dispensare ad bonum finem
institutionis , & conseruationis eo-
rum. tom. I. quæst. I. art. 4. & tom. 3. q.
I. 6.

Progressi Societatis eminentes
expressè quartum votum de obe-
diendo Domino Papæ , non magis
inde obligantur ipsi obedire in suis
obseruantiis regularibus , quam alij
Religiosi , cùm omnes illud idem
tacite ex a quo fecisse censendi sin-
Papa

Papa enim non tantum ut caput totius Ecclesiæ, sed ut Author formalis omnium Regularium, est proprius omnium Religionum Prælatus.*tom.1.q.22.art.6.*

Tria vota solita emitti à Religiosis, sunt iure diuino ita essentia-
lia Religioni; ut vno deficiente etiā per dispensationem Papæ; ipsa etiam definat esse Religio, & is cum quo fuit sic dispensatum, Religiosus. *qu.25.art.1.*

Tenuerunt multi, Fratres Minores emittere quartum votum solenne de seruāda tota Regula, dicendo:
Voueo obseruare Regulam Fratrum Minorum; sed hanc clausulam doctè explicat D. Thom. cum aliis debere intelligi: *Voueo obseruare Regulam, & vitam in Regula modificatam;* vnde nullum inde nouum votum exurgit. *q.26.art.4.*

Votum inferioris numquam potest augere Superior axiomate Diui Bernardi: *Votum meum non adauget Prælatus.* *tom.3.q.19.art.8.*

Hic obserua (candide Lector) con-
cessionem Leonis X. de ieuniis à
Fra

